



**"Znate li vi ko je bankrot?\*" Ashabi odgovoriše:  
"Bankrot je kod nas onaj koji nema ni novca ni robe."**

**Allahov Poslanik reče: "Bankrot u mom ummetu je onaj ko dođe na Sudnji dan s namazom, postom i zekatom, ali je uvrijedio onog, potvorio ovog, zakinuo onog, prolio krv (ranio) ovog, udario onog... Pa će se svakom od njih dati dio njegovih dobrih djela, a ako mu nestane dobrih djela prije nego što se svima oduži, onda će se uzeti od njihovih loših djela i prebaciti na njega, pa će se onda strovaliti u vatru."**

Od Ebu Hurejre, radijallahu anhu, se prenosi da je Allahov Poslanik, sallallahu alejhi ve sellem, kazao: "Znate li vi ko je bankrot?" Ashabi odgovoriše: "Bankrot je kod nas onaj koji nema ni novca ni robe." Allahov Poslanik reče: "Bankrot u mom ummetu je onaj ko dođe na Sudnji dan s namazom, postom i zekatom, ali je uvrijedio onog, potvorio ovog, zakinuo onog, prolio krv (ranio) ovog, udario onog... Pa će se svakom od njih dati dio njegovih dobrih djela, a ako mu nestane dobrih djela prije nego što se svima oduži, onda će se uzeti od njihovih loših djela i prebaciti na njega, pa će se onda strovaliti u vatru."

[Vjerodostojan] [Hadis bilježi imam Muslim]

Allahov Poslanik, sallallahu alejhi ve sellem, jednom prilikom je upitao ashabe: "Da li znate ko je bankrot?" "Po nama bankrot je onaj ko nema nikakvog imetka", odgovoriše oni. Poslanik im tada skrenu pažnju: "Bankrot ovog ummeta je onaj ko dođe na Sudnji dan sa raznim dobrim djelima poput namaza, posta i zekata. Međutim, nekoga je povrijedio, nekome ukaljao čast, od nekoga bespravno uzeo imetak, nekome krv prolio, nekoga udario - pa će se obespravljenim dati njegova dobra djela, a ako ne budu dovoljna, onda će mu se grijesi obespravljenih natovariti. Tada će biti bačen u Džehennem budući da neće imati dobrih djela sa sobom."

**النّجّات الخيريّة**  
ALNAJAT CHARITY

